

نومرو ۷ - ۶

صوفی سیر

نسخه سی ۱۰ پاره در

67

جنگ

عرفای امتك مقالات متصوفانه لرینه جریده
صوفیه نك صحیفه لری آچقندر .

اعلانات و سائره ایچون مدیر مسئوله مراجعت
ایدیلیدر .

آبونه سی بر سنه لك اعتباریه ممالك عثمانیه ایچون
۱۰ و ممالك اجنبیه ایچون ۱۵ غروشدر .

محل اداره باب عالی جوارنده ابوالسعود جاده سنده
نجم استقبال مطبعه سی

شیمدیلک اون بش کونده بر نشر اولنور تصوفدن باحث دینی ترك جریده اسلامیه سیدر .

اوصاف الهمیه به دائر بعض ایضاحات

ذات ایله صفات حقیقته الفاظ ایله معنا
کبیر (لایزال عبدی بتقرب الی بالنوافل حتی احبه
فاذا احبته کنت سمعه الذی یسمع به وبصره الذی
یبصر به ولسانه الذی ینطق به ویده الذی یبطش
بها ورجله الذی یمشی بها)
علم، قدرت، اراده، حیات، سمع، بصر، کلام، تکوین
اشبو اوصاف جلیل یزدانی جمهور اشاعره
عندنده یدی اولوب ماتریدیه عندنده صفت تکوین
علاوه ایدلک اوزره سکزدر اشاعره تکوین
صفت جلیله سی قدرت صفتنده داخلدر دیرلر .
شیخ اشعری نك عندنده سمع ایله بصر علم صفتنده
تکوین صفتی قدرته داخل اولمق شرطیله بشدر
لکن اعتقادده مذهب ماتریدی اولغله صفات
سته مذکوره به تکوین صفتی علاوه ایدیلرک
سکزه ابلاغ ایدلشدر .

عرف نامده اهل سنت و جماعت شیخ ابو
منصور الماتریدی والشیخ ابوالحسن الاشعری
حضرتلرینک اتباعیدر حقیقه عقائده ابومنصور
ماتریدی حضرتلرینه تابعدر زیرا ابو منصور ما
تریدی اصول وفروعه امام حضرتلرینک مذهبی
اوزره در مالکیه و شافعیه و حنابله عقائده ابو
الحسن الاشعری حضرتلرینک رأیی اختیار
ایتملشدر . فقط ابوالحسن الاشعری حضرتلرینک
مذهبنده اختلاف اولمشدر اکثر علما شافعی بعضیسی
مالکیدر دیرلر . کبار علماء حنفیه دن ابو جعفر
الطحاوی حضرتلرینک عقیده سی اشعری نك اعتقاد
ایتدیکی شی متضمندر و امام طحاوی بیورورکه
امام اعظم و امام یوسف و امام محمدك اعتقادلری
دخی بویله جهدر امام سبکی حضرتلرینک مخدومی
تاج الدین بیان ایدرکه کتب حنفیه فی تحقیق ایتد
مذهب شافعی ایله حنفی اراسنده اختلاف واقع
اولان مسائلک جمله سی اون اوج عدد بولدم
التیسی معنویه باقیسی لفظیه در بونلرده تکوین
صفت جلیله سیله مقلدک ایمانی و بونلره مماثل
فروعات و جزئیات دینیده اولوب کلیاتده دکلدر

علم

(وهی صفت ازلیه تنکشف المعلومات عند
تعلقها بها) صفت علم الهینک معلوماته تعلق سببیه
معلومات منکشف اولور عالم مصنوعات و مکنوناتک
حرکت حیه ذاتیه سبحانه نتیجه سی اوله رق حیرت بخش
عقول بشر اوله حق درجه نه برانظام تام تحتنده
دور و تعاقبی و هرر امورک حکمت و مصلحت
و صورت مناسبه ترتیبی و جزئیات عالم مشهوداتک
بیله محور لایقنده جزیاتی هپ احاطه علم و دانش
یزدانی بی ایما واقده ایتمزی .

جناب آفریننده کون و مکانک سورة انعامده
بیان بیوردینی (وهو بكل . . .) و سورة
نساءده (ان الله کان . . .) و سورة
بقرهده (واعلموا ان الله . . .) اشبو
تصوص قاطعه قرآنی و بر اعتقاد صحیحه کافی و
شافی براهین واضحه فرقانی و بوکا مماثل پک چوق
آیات جلیله سبحانه هپ احاطه علم جلیل رحمانی
حقنده شرفلر ایتشدر جناب خالق الیل والنهار
ازلده جمیع حوادثک وقوعه جغنی مقادیر
ازمان و احوالیه بیلدیکی کی هر حادثک زمان حدوشده
وقوع و حصول پذیر اوله جغنی دخی بیلور .
(ان الله قد احاط . . .) منطوق آیه جلیله
متعین قبل الکائنات اولان الله عالم بالذات و عالم
بالمخلوقاتدرکه بوده علی مقتضیات الصفاتدر مشهودمن
اولان عالم ممکنات و محذاتک ذره سندن علم
پروردکارک انفکاک و انفصالی تصور ایدیله من
کلیات و جزئیاتی کنه و حقیقیله بیلور اصلا بیلمدیکی
شی یوقدر سماوات و ارضینده بر ذره متصور
دکلدر که خارج علم ربانی اولسون بکنه ذات
سبحانیه سی بیلور . طاقه دهریه نك ذاتی بیلمز
و طاقه معتزله نك یوقلری بیلمز دیدکلری
و طاقه فلاسفه نك جزئیاتی بیلمز کلیاتی بیلور
دیدکلری دخی باطلدر . بیایوب اونو تمقدن و
اونو توب بیلمکدن منزهدر شوعالم مشهوداته حق
و حقیقیله بر کره انصافانه احاله نظر ایدیله جک
اولورسه علم و حکمت الهیهی اضطراری اعتراف

ایتدیررکه بوده علم صفتنی بالبداهه مرتبه ثبوت
واردیرر .

(قوم معتزله نك اوصاف الهمیه حقنده بر فکر باطلی)
حق عالمدر مشتق اولان عالمی تصدیق لکن
جناب پروردکار ایچون علم یوقدر دهرک مشتق
منه اولان علمی ننی ایدیلورلر .

قدرة

(وهی صفت ازلیه توثر فی المقدورات
عند تعلقها بها) قدرت صفت جلیله نك مقدوراته
تعلق سببیه مقدورانه مؤثردر ایشته بوناقابل
تعداد صنوف و انواع واجناسی محتوی عالم اعیان
و مکنوناتک قدرت صفتک تعلق ازلیسی سببیه
جمیع مقدورات و مصنوعاتک مصدر حقیقی اولان
ذات سبحانه لرندن ظهور و صدوری ممکن اولیور .
شو فضای بی انتهای سما ایچنده هان هر وقت
دنوب طولاشمقده اولان بولوتلر ندر بونلر نه
حصوله کتوریو بونلرده مؤثر کیمدر .

ضیای حقیقیسی طاشیره رق سوی سماء
عظمت فروشانه خیر بخش عقول بشر اوله حق
درجهده بر طور و شکل آلمش اولان مهر و ماه
ندر بونلرده کی قوت و قدرت ندر بونلرده مؤثر
کیمدر .

ایشته بو مذکورات دکل بلکه بتون مکنونات
دست قدرت سبحانه تحتنده حرکت جنیه ذاتیه
نتیجه سی اوله رق مقهور و سرگردان قالمشدردر .
ایشته بویله جه فاطر اقدس قدرت قاهره
و حکمت باهره سی جلوه نمای صحائف مبدعات
قیلمقدهدر جناب احکم الحاکمینک سورة حجه
بیان بیوردینی (وانه علی کل شیء قدير) وینه سورة
کهفده (وکان الله علی کل شیء مقصوراً) و سورة زاریاتده
(ان الله هو الرزاق ذو القوة المتین) سالف البیان آیات
جلیله قرآنی و حجج قاطعه فرقانی قوت و قدرت
رحمانی بستیون مرتبه بداهته واردیر مقدهدر .

جناب خالق الیل والنهارک سورة ال عمرانده
بیان بیوردینی (ان فی خلق السموات والارض
واختلاف الیل والنهار) نص قاطعک مدلولی اولان

اختلاف لیل ونهار وتبدل مواسم که ایلك بهار یاز، صولک بهار، قیش در فصل ربیعده قدرت الهینک شرفعلی سبیلله معطی حقیقینک ازهاره بخش بیورمش اولدینی بوی دلفریب وزمینک برومش اولدینی کسوة حضرا، نه درجه فرخزا ودلارادر بوموسمده هانکی جانبه عطف نظر ایدلسه خوش تماشا بر لطافت نشوه بخشا بر طراوت شوق انکیز بر نصارت مشاهدده اولنورکه بونلرک جمله سی موصوف اقدسک قدرت جلیله سنه متوقف ومنوطدر . مثلاً قوشلرک فصل شتاده امرار وقت ایتمک ایچون یازین وقت کچیر مکده و چیفتلشوب چوغالمقده اولدقنری اوتلاقلره یا یالالره و بپراقلرک زینت ساز اولدینی اشجاره وداعی بونلرک جمله سی قدرت فاطره نک تقریر تثبیتی و شائبه عجزدن تنزیهی مرتبه ثبوت واردیر .

قدرتک متعلق علمک متعلقندن اخصدیر چونکه علم سبحانی ممکن ایله متممک هر برینه تعلق ایدر قدرت رحمانی یالکنر ممکناته تعلق ایدر بوصورنده معلومات اه مقدورات الهیدن اکثردر دینور لکن مقدورات رحمانیه دخی نامتناهیدر قدرتک ذریه عدم تعلقندن اول ذره معدوم اولور .

(ارادة)

(وهی صفت ازلیة قائمة بذات الله تعالی) اراده صفت جلیله سی ذات سبحانیه سیله قائم برصفتدرکه ممکنات و محدثاتدن هر بر ممکن و هر بر محدثه ازله شرفعلی سبیلله اشیای معلقه وقت معین وزمان مرهونی حلول ایتدیکجه شرفظهور و صدور ایدیور .

کن امر جلیله سیله خالق و ایجاد بیورمش اولدینی اجرام عالم واشبو امرک ازله تعلق سبیلله وقت مخصوصنده حصول پذیر اوله جق متممات عالم دخی بوقبیلندیر .

قدرت صفت جلیله سنه کن امر یزدانیسنک تعلق سبیلله جمیع موجوداتک جناب افریننده کون و مکاندن صدوری ممکن اولیور .

(دقت)

اراده ازلینک تثبیت و تقریرینه برهان قوی بتون کائناتک محدث اولوب صکره دن وجود پذیر اولمسیدر مکوناتدن بر شیئک اراده رحمانیه بلاتعلق وجود و حصولی فرض ایدلسه بالایجاب وبالضرورة ظهور ایتسی اقتضا ایدرکه بونکده ازلی وابدی اولسی لازم کلور بوده تعدد قدمایی استلزام ایدر تعدد ذوات قدماده معیار وحدانیت الهیدر .

(حیاة)

(وهی صفت ازلیة توجب صحة العلم) حیاة صفت جلیله سی جناب پروردکارک علم و قدرت و اراده ایله متصف اولسنی موجب و مصحح برصفتدرکه سورة فرقانده (وتوکل علی الحی الذی لا یموت) ایت جلیله سی حیاة صفت رحمانیسی مرتبه بداهته واردیر مقدمه در بعض ترکی عبارت اولان عقائد کتابلرنده حیاة صفتک بر شیئه تعلق یوقدر دنیلش ایدسه بونی حق و حقیقتیه تفهم ایدمه دم حضرت مریمه نافخ جبریل امین ایکن جناب حق نفخی ذات سبحانیسنه اضافت ایدوب سورة انبیاده (ونفخنا فیها من روحنا) بیوردی روح، حیاة، جان بونلر بشقه بشقه شیلر میدر انسان جان وروحدن ازاده ووارسته اولنجه حیاندنده بری اولور . انسان حقیقتده نفس وروحدر بدن روحک الت و قابیلدر روح بر جسم لطیفدر کل صوبی کده باغ لبندده ساری اولدقنری کنی معلوم اوله که روح انسانیده خلق ایکی فرقیه انقسام ایتشلردر بر قسمی بواسرار الهیدن برسردر دیهرک تأدباً امساک ایدوب بحث ایتدیلز و دیگر فرقه اجتهاد ایدوب اجتهاد لریته کوره حقیقت روحده تکلم ایتدیلر بعضاری بدنه مخالط جوهر لطیف نورانیدر امام فخرالدین بوقولی اختیار ایتشدیر بعضاری روح بر جوهردر لکن بدنه مخالط دکدر زیرا اول متحیز و متمیزه حال دکدر بر جوهر فرددر بدنه تصرف و تدبیر ایدر تصرفک انقطاعی موتدر جورفلاسفه واهل سنتدن عزالی و حلیمی و معتزله دن معمر وروافضدن محمد بن نعمان بونی اختیار ایتدیلر نه قدر اقوال واریسه کافه سی یا جسم یا عرض یا جوهردر بوندن خارج دکدر اهل سنت و جماعت عندنده مختار اولان اولدرکه روح جوهر و عرض دکدر بلکه ماهیته بوجسم محسوسه مخالف بر جسمدر و جسم اولدیغه کتاب و سننده دلیل واردر (الله یتوفی الانفس حین موتها التی . . .) اشبو ایه جلیله ده روحک جسم اولدیغه توفی و امساک و ارسال کی بعض دلائل واردر .

قال جنید بغدادی (الروح شیء استأثر به علمه لا یجوز عنه العبارة) روح اه تعالینک علمنده مستقل اولان شیلردن و بوندن تعبیر جائز دکدر . بوقوله کوره روح عقل ایله ادرك اولماز .

وصدرالدین قنوی حضرتلری (ویسئلونک عن الروح) آیتک تفسیرنده بیورر . سؤال اولنورسه که حضرت فخر کائنات معادن علوم وینابع فهوم ایکن کشف و حقیقت روحدن نیچون منع بیورلدیلر اول زمانده سائل اولانلر قوم یهود ابدیلر علی طریق الامتحان

قریشه دیدیلرکه پیغمبریکزدن اویج شیء سؤال ایدک اصحاب کهنی، ذوالقرنی، روحی بوصورنده معادن علوم اولان جناب پیغمبر اصحاب کهنک و ذوالقرنینک قصه لری بر تفصیل فرموده الهی بیان ایلوب سروحی ایهام ایلدی (وهوالمبهم فی التوریه) روح حقیقده مشایخ و علمانک یک چوق قبل و قالی وار ایدسه زیده کلام مثوی شریفده تصادف ایتدیکم اقوال آتیه دن عبارتدر شارح مثوی اسماعیل انقروی حضرتلری دخی بوکا قائل اولمشدر .

عالم امردن داخل بدن خارج بدن دکدر و تنه متصل و آندن دخی منفصل دکدر . یوقاروده ذکر ایتش اولدیغمر (ونفخنا فیها من روحنا) آیت جلیله سنده کی معنایی تأمل ایت . افلاطون الهیدن منقولدرکه ارواح اقصاص و اشباحده حبس اولنش طیور کیدر اگر چهل ایله مألوف اولورسه حشرات ارضیه دن و اگر علم ایله مألوف اولورلرسه ملائکه سماویه دن اولورلر . یعنی انسان ملک ایله بهیمه بیننده ترکیب اولنش بر مرکبدر و ملک عقل بلا شهوتدر و بهیمه شهوت بلا عقلدر انسانک عقلیه ملائکه دن و طبعیه بهیمه دن حظ و نصیبی واردر و اگر طبعی عقله غالب اولورسه اول کشی بهیمه دن اضل اولور و اگر عقلی طبیعتنه غالب و نفسی رزائلدن منع و فضائله حصر و حبس ایدرسه ملائکه دن افضل اولور زیرا انسانده شهوة و غضب کی عوایق واردر و ملائکه ده اول عوایق یوقدر امام غزالی رحمه اه اصول اربعینده و امام فخرالدین نفسیر کیرنده بوقولی اختیار ایتشلردرکه بوهیکک اجزاسی دائماً زیاده و نقصانده و نمو استکمالده در . وشک یوقدرکه انسان من حیث هو هو اول عمرندن اخر عمرینه قدر باقیدر و باقی اولیان شیء باقی اولان شیئک غیریدر بوصورنده انا قولیلله اکا اشارت اولنان معنی بوهیکل مخصوصه مغایر شیء اولق و اجیدر اول شیئک تعیننده اختلاف واقع اولمشدر .

معلوم اوله که دلائل قطعیه و براهین ساطعه ایله ثابت اولدیکه ارواح و اشباحدن خدادن غیریه هرنه که وار جمله سی حادثدر بوصورنده اهل سنه مخالفات ایدن زندیقدر اهل سنت روحک حادث و مخلوق اولسنده اتفاقلردن صکره وقت حدوشنده اختلاف ایتدیلر بدله حادثدر ، یاخود بدن اول حادثدر .

ومذهب صحیح اولدر که روحه اصلا فنا طاری اولماز (یمن قل دل) اوزانیم صده کله لم .

سمع

(وهی صفت ازلیة تتعلق بالمسموعات) سمع

صفت جلیله سی مسموعاته تعلق ایدوب ایشیدمک
شانندن اولان شیرری کرک اصوات خفیه اولسون
وکرک جهریه اولسون بلا نقصان و قوه سامعیه
بلا افتقار سامعدر سورة شعراده (هو السميع
البصير) آیه جلیله سی سمع صفتنه دالدر .

بصر

(وهی صفت ازلیه تنکشف المعلومات عند
تعلقها بها) بصر صفت جلیله سی کورمک شانندن
اولان شیرره تعلق سببیه مشهودات و مبصرات
کشف نام ایله مشهود اولور یعنی علی سبیل التحیل
والتوهم اولیوب حق و حقیقه مشهود اولور
سمع بحثنده کی آیت جلیله بصر صفتنه ده دالدر .

کلام

(وهی صفت ازلیه قائمه بذات الله تعالى) ذات
یزدانیه یله قائم اولان صفت جلیله اصوات و
حروف جنسندن اولدینی حالده بر صفت ازلیه
وقدیمدر که اشبو صفت رحمانیک تعلق سببیه
قرآن کریم و سائر کتب منزله الهیه شرف ظهور
و نزول ایشمدر عقائد دینیده لفظ قرآن قدیم
اولان کلام نفسی الهی بینیه آیت و سوردن
مرکب لفظ محدث و مرتب بیننده مشترکدر قرآن
کلام نفس پروردگار اولوب غیر مخلوقدر کما قال
النبي عليه السلام القرآن کلام الله تعالى غیر مخلوق
من قال انه مخلوق فهو کافر بالله العظيم (قرآن کریم
و فرقان جلیل بزم مصاحف مزده مکتوب قلبایم زده
محفوظ لسانایم زده مقرر قولایم زده مسموعدر
چونکه امر و نهی اختیارک هربری اقسام
کلامدن اولدینندن جناب واجب الوجوده بونلری
نسبت ضمننده صفت کلام دخی نسبت اولنور .
بوده عربی و یا سریانی و یاخود بشقه برلفت ایله
توصیف ایدیه من (کلم الله موسى تكليما) (و حتی
یسمع کلام) کی نصوصی قاطعه یزدانی بواعقاد
صحیح حک صحت ثبوتنه دلالت ایدر محدث اولان
آیات و سور فرقایه نیک اشنا قرآننده کلام نفس
ازلی ب اسماع وقوعه و مقلده در عالم مخلوقات ایچنده
نوع بی ادمه سمع بصر کلام صفتلری بولندینی
حالده حاشا خالق مخلوقات و مصنوعانده اشبو
اوصافک بولندینی فرض و تقدیر ایتک موافق
شان عاقلیمدر .

تکوین

(وهی صفة الله تعالى ازلیه) تکوین صفت
جلیله سی ذات سبحانیه سیله قائم بر نعمت ازلیه در .
اشبو صفت خلق ترزیک احیا امانه احداث احتراع
تصویر و غیر ذلک افعال الهیه بوصفته داخلدر .
اوصاف و آثار و اختلافی سببیه الفاظ و عبارات
و تعدد صفات اولیور ایسه ده ذات الهی و موصوف

مقدس سی تعدد ایتیمور مثلاً اثری ترزیک اولمق اعتباریه
صفتنه ترزیک موصوفنه رزاق سائر صنفلر دخی
بویله جهمدر .

امام اعظم حضرت تارینک فقه اکبر نام کتاب
جلیلنده اوصاف الهیه دائر بیان بیوردینی
اقوال جلیله لم یزل ولا یزال بصفاته واسمائیه ولم
تحدث له صفات ولا اسم ولم یزل عالماً بعلمه
والعلم صفته فی الازل وقادراً بقدرته والقدرة
صفته فی الازل وخالقاً بتخلیقه التخلیق صفته
فی الازل وفاعلاً بفعله والفعل صفته فی الازل
والفاعل هو الله تعالى وفعله صفت ومفعول مخلوق
وفعل الله تعالى غیر مخلوق وصفاته فی الازل غیر
محدث ولا مخلوقة ومن قال انها محدثة ومخلوقة
اووقف فیها اوشک فیها فهو کافر بالله العظيم
مکون بحدوث التعلق حادثدر سائر اوصافک حین
تعلقلرنده حدوثی کی یوقسه من حیث هی هی
اوصاف الهیه قدیم و ازلیه در اکر مصنوع عالم
یعنی تکوین ذاتاه و یاخود صفات اللهدن برشیته
تعلق ایتیمزسه صانعک تعطیلی لازم کلور موجوددن
حوادثک استغناسنک تحقیقه محالدر عالم علامتدن
مشققدر مصنوعان صانعه مخلوقاتدن خالفه دلالت
و علامت وارددر (المحدث اذ اقرن بالقدیم لم یبق
له اثر) عقائد دینیده دن اولان بو عباره ی دخی
خاطرنده طوت عالمه ماسویاه ماسویاه عالم
دیرلر تدقیق ایدیکز عالم و حقیقت عالم حقنده
براز ایضاحه لزوم کورلدیکندن کتب فقهیه
شروحندن اولان رمضان افندیکنک عالم حقنده
بیان بیورمش اولدینی عباره ی منحصر آ ترجمه ایدلک .

عالم

عالم انسان عالم ملک عالم جن کی دهانجه
نیجه عالمدن مرکب اولان بو عالم که ماسویاه
تعالی در بصورتده عالم لفظی ماسویاه جمله سنک
شامل اولدینی اشیانک هربری اوزرینه علی الانفراد
تسمیه ایتک یاخود مفهوم ماسویاه اوزره تسمیه
ایتمک صحیح اولور .

ماسویاه ایله صانع ذوالجلالی بیلنور
اجناس مختلفه نیک هر برلری اوزره منفرداً عالم
لفظنک وجه تسمیه سننده لفظ عالم جزئی
ماسوی الهی تسمیه سی سببیه لفظ عالم کلی اولور .
اشبو عالمک حدوثی بیلیمک علوم اسلامیه ده
جمیع علومدن اصلدر اکر محدث اولمزره قدیم
اولوب ابدی اولمی لازم کلور بصورتده
وعد وعید ارسال رسل انبیاء و فوائد تکلیفات
یزانی یوقدر بوصورتده قیامت وعزم فنا
اولدینندن انبیای عظام حضراتی تکذیب لازم کلور .
بو ایسه محال و باطلدر
مثنویخوان
علی فواد

مادیون و طبیعیون

مادیون ، کائناده کی اعمال عاقله و غیر عاقله یی
ماده و قوته نسبت ایدن بر صنف حکما درله افعال
حیاتیه ظواهر عقلیه و نفسیه ماده و قوتدن منبعث
اعمال مادیه نتیجه سی اولوب اعمال جمادیه دن فرقی
یوقدر دیرلر .

مادیونک بر قسمی ، ماده و قوتک هربری
مستقل اولوب فقط یکدیگرینه اجرای تأثیر
ایدلکارینه و دیگر بر فرقه سی ماده اصل ، قوت
ماده یه تابع و خصائصی ماده نیک بر خاصه سی اولوب
ماده نیک خصائصی بقا ، جذب ، حرکت اولدینی
حالده قوت ماده نیک یالکز بر خاصه سی اولان
حرارتدن عبارت ایدوکنه قائلدرلر . ینه بومادیوندن
بعضلری قوت بر موجود حقیقی اولوب ماده
ظواهر قوتدن بر ظاهر ایدوکنی و فقط ماده نیک
وجودی انجق واسطه قوتله اکلاشلیغنی و بو
برنوع حرکت اولوب دماغزیه تأثیر ایتمه سیله
وجودی استدلال ایدلایکنی زعم ایدرلر . دیگر
بر فرقه مادیون ماده و قوت شیئی واحد اولدینغه
و دیگر فرقه سی ایسه ماده و قوت لاشیئی و وجودی
خارجده حقیقی اولیان بروهم بولندینغه بوده ذهن
انسانیده حاصل اوله جفنه ذاهب اولملرلدر .

زیرا انسان موجودیتله برشی حس ایده میوب
انجق حواسیه حس و بیان ایدر انسانلرک اکثری
احلام و سائر کی خارجده وجودی اولیان اشیائی
تصور و اثبات ایلر که بونلرده ماده تسمیه اولنه
میوب و همدن عبارتدر دیه ادعا ایدرلر .

طبعیون ایسه اصنامه عبادتی رد ایله موجو-
داتک اصلی اولان طبایع اربعه یه عبادتی ترجیح
واوٹان هر قاننی شیمدن پایلور ایسه پایلسون
طبایعک فرعی اوله جفندن هر حالده اصله عبادتک
اولا اوله جفنه حکم ایله حرارت ، برودت ،
یوست و رطوبتدن عبارت اولان طبایعه توجه
ایتشاردر .

رد مذهب طبیعیه

از قضا سرکشکین صفرا فرود

روغن بادام خشکی می نمود
فضای آلهیدن سکنجینک خاصه و طبی
دافع صفرا اولمق ایکن تزید صفرائی موجب
اولدی بادام یاغنک خاصیت طبیعیه سی رطوبت و یرمک
ایکن ییوست کوستردی

از هلیله قبض شد اطلاق رفت

آب آتش را مدد شد همچونفت

هلیله دیدکاری معروف ملین طبع علاجدن
برعکس اوله رق قبض واقع اولدی یعنی لبت
بوسبتون زائل اولدی آبک طبیعت خاصه سی دافع
حرارت ایکن آتش درونه معین و ظهیر اولدی